

Хабар

23
(924)-son

4-iyun

www.xabar.uz
info@xabar.uz
xabar@uzpak.uz

2010

O'ZBEKISTON ALOQA VA AXBOROTLASHTIRISH AGENTLIGI NASHRI

1992-yil martdan chiqa boshlagan

Оромгоҳлар тўлар шодликка

Мақтабларда ўқув машғулотлари тугаганига ҳам анча бўлди. Бир йил давомида илм ўрганиб, энг муҳим фанлардан имтиҳон топшириб толиққан болаларни сўлим оромгоҳлар ўз бағрига чорламоқда.

Ўзбекистон алоқа ва ахборотлаштириш соҳаси раҳбарлари соҳа корхоналари тасарруфидаги болалар соғломлаштириш оромгоҳларини 2010 йил ёз мавсумига бекаму қўст тайёрлашга жиддий эътибор бердилар. Ҳар йилгидек, бу йил ҳам “Ўзбектелеком” АҚ таркибидаги “ТШТТ”, “Бухоро Телеком”, “ЎЗИ-Қарши”, “ЎЗИ-Жиззах” филиалларида ички буйруқлар асосида чора-тадбирлар режаси ишлаб чиқилиб, белгиланган вазифаларни амалга ошириш бўйича тегишли ишлар олиб борилган.

Соҳа акциядорлик компаниялари, жамиятлар, корхона, ташкилот ва муассасаларда меҳнат қилаётган ходимларнинг 7дан 14 ёшгача бўлган фарзандлари сони шу йилнинг 1 апрел ҳолатига 10014 нафарни ташкил этиб, жорий йил ёз мавсумида 6216 нафар болажонни соғломлаштириш режалаштирилган. Ушбу мавсумнинг муваффақиятли ўтиши учун ёзи оромгоҳларда тайёргарлик ишлари қай даражада олиб борилган?

5-бет



Сўнги янгилик!

Google интернет-қидирув тизими дунёнинг энг кўп фойдаланувчиларга эга 1000та сайти номини эълон қилди.

Топ-1000да биринчи ўринни Facebook.com (ойинга 540 миллион фойдаланувчи) эгаллади. Етакчи ўнликка Yahoo.com, Live.com, Wikipedia.org, MSN.com, Microsoft.com, Blogspot.com, Baidu.com, QQ.com ва Mozilla.com сайтлари кирган. Холислик учун Googleнинг ўзи рўйхатга киритилмади.

Рунетнинг энг “гавжум” сайтлари сифатида Yandex.ru (57-ўрин ва 38 млн. фойдаланувчи), Mail.ru (58-ўрин), VKontakte.ru (81-ўрин), Odnoklassniki.ru (118-ўрин), Narod.ru (148-ўрин) ва Rambler.ru (178-ўрин) рўйхатга киритилган.

Алоқа оламида:

Ушбу сонда:

- | | |
|--|-------|
| ■ Веб-сайтларнинг аҳволи қандай? | 2 |
| ■ Электрон китоб ўрнига iPad | 4 |
| ■ Изменение условий программы UZ-CERTified | 6 |
| ■ TEMPUS доирасидаги ўқув маркази | 12 |
| ■ Компютер саводхонлиги | 13-14 |

Теледастурлар, спорт, кроссвордлар

ИНТЕРНЕТ ХАМКОРИМИЗ

Uz Net — сифат рамзидир
Internet Service Provider

Umadan Umagacha

Ўзбекистон Республикаси Президенти Ислам Каримов 27 май куни жойларда ижтимоий-иқтисодий ислохотларнинг бориши, амалга оширилаётган кенг кўламли бунёдкорлик ва ободонлаштириш ишлари билан танишиш мақсадида Фарғона вилоятида бўлди.

Матбуотда Ўзбекистон Республикаси Президенти Ислам Каримовнинг "2010/2011 ўқув йилида Ўзбекистон Республикасининг олий таълим муассасаларига қабул тўғрисида"ги қарори ҳамда "Универсиада-2010" спорт ўйинлари иштирокчиларига табриги эълон қилинди.

Тошкентда Ўзбекистон Республикаси Олий Мажлиси Қонунчилик палатасининг Аграр ва сув ҳўжалиги масалалари қўмитаси томонидан Ўзбекистон Республикаси Қишлоқ ва сув ҳўжалиги вазирлиги, Фермер ҳўжаликлари уюмиси, ЮНЕСКОнинг Ўзбекистон Республикасидаги ваколатхонаси билан ҳамкорликда "Ер ресурсларидан оқилона фойдаланиш чоралари ва йўллари" мавзуида илмий-амалий семинар ташкил этилди.

Тошкент вилоятининг Пскент туманида "Қишлоқ ҳўжалиги маҳсулотини қайта ишлаш жараёнига илгор инновацион технологияларни жорий этиш – тармоқни ривожлантиришнинг муҳим омили" мавзуида семинар бўлиб ўтди.


Нукусда анъанавий ҳудудий саноат ярмаркаси ва кооперацион биржа ўтказилди. Икки кун давом этган тадбирда Оролбўйидаги 70дан ортиқ саноат корхоналари ва хусусий тадбиркорлар ўзлари ишлаб чиқарган маҳсулотлар билан қатнашди.

Ўзбекистон давлат жаҳон тиллари университетида Баркамол авлод йили Давлат дастури доирасида хорижий тиллар ва адабиётларни ўрганишда маданиятлараро мулоқотлар мавзуида халқаро анжуман ўтказилди. Унда мамлакатимиз олий ўқув юрлари профессор-ўқитувчилари, шунингдек, Буюк Британия, Греция, Корея, Миср сингари давлатлардан келган мутахассислар иштирок этди.

Пойтахтимиздаги Халқаро ҳамкорлик марказида Ўзбекистон ва Венгрия ишбилармон доираларининг бизнес-форуми ўтказилди. Ўзбекистон Республикаси Ташқи иқтисодий алоқалар, инвестициялар ва савдо вазирлиги томонидан ташкил этилган мазкур тадбир Ўзбекистон – Венгрия савдо-иқтисодий ва сармоявий ҳамкорлигини кенгайтириш масалаларига бағишланди.

Бонн университети ҳузурдаги Тараққиёт тадқиқотлари марказида "Оролбўйя минтақасидаги экологик вазият" мавзуида давра суҳбати бўлиб ўтди. Мамлакатимизнинг Германиядаги элчихонаси томонидан ушбу марказ ҳамкорлигида ташкил этилган тадбирда соҳа мутахассислари ва илмий жамоатчилик вакиллари билан бирга, бу ерда изланиш олиб бораётган ўзбекистонлик ёш тадқиқотчилар ҳам иштирок этишди.

Мюнхенда Ўзбекистоннинг сайёҳлик салоҳиятига бағишланган тақдирот маросими бўлиб ўтди. Тадбирда мамлакатимизнинг Германиядаги элчихонаси ходимлари томонидан туризм соҳаси вакилларига Ўзбекистоннинг ўзига хос тарихий-маданий ёдгорликлари, мамлакатда сайёҳлик инфратузилмасини такомиллаштириш борасида олиб борилган чора-тадбирлар ҳақида маълумот берилди.




Веб-сайтларнинг аҳволи қандай?

Ўзбекистон алоқа ва ахборотлаштириш агентлигида "Алоқа ва ахборотлаштириш соҳасидаги ташкилотлар веб-сайтларининг аҳволи ҳамда ривожлантириш истиқболлари" мавзуида семинар ўтказилди. Унда соҳа ташкилотлари раҳбарлари ва мутахассислари иштирок этишди.

Семинарда Агентлик Бош директорининг ўринбосари А.Хўжаев қатнашиб, ташкилотлар веб-сайтларининг аҳволи, уларнинг аҳамияти, сайтлар орқали интерактив хизматларни йўлга қўйиш, корхоналарда қўзғосиз ишлашни такомиллаштириш каби масалалар бўйича сўз юритди.

UZINFOCOM маркази ходимлари – А.Назаров, Б.Алимов, Ш.Абдувоҳидова, О.Умаров, Ю.Ямалтинова, UzCERT хизмати мутахассиси Ю.Гуровлар ўз маърузаларида веб-сайтлар норматив-ҳуқуқий базаларининг аҳволи ва уни ривожлантириш, интерактив давлат хизматларини шакллантириш ва кўрсатиш, давлат органлари ахборот ресурсларининг ҳолати, веб-сайтларнинг ахборот хавфсизлигини таъминлаш, шунингдек, Алоқа ва ахборотлаштириш агентлиги ахборот тизими фаолияти ҳақида маълумотлар беришди.

Таъкидланишича, сўнгги йилларда давлат органлари, корхона ва ташкилотларда компьютерлар сони ошиб бормоқда. Ходимларнинг компьютер саводхонлиги ҳам етарли даражада шаклланган. Аммо бу ҳолат қўзғосдан фойдаланишнинг камайишига олиб келгани йўқ, аксинча ундан фойдаланиш янада ортган. Демакки, компьютер технологиялари ҳамон ёзув машинаси вазифини ҳам бажармоқда. Ахборот



технологияларидан унумли фойдаланган ҳолда қўзғосизликни камайитириш имконияти мавжуд. Бунинг учун ташкилотларда ички ва корхоналараро электрон ҳужжат айланиши тизимларини йўлга қўйиш талаб этилади.

Мамлакатимизда интернетдан фойдаланувчилар сони йилдан-йилга ортиб бормоқда. Хусусан, мобил интернет қишлоқларимизгача кириб борган. Давлат ахборот ресурсларининг тўлақонли фаолият юритиши интернет фойдаланувчиларига зарур ахборотлардан тез ва ўз вақтида хабардор бўлиш имконини беради. Бу, ўз навбатида, давлат ва жамият ўртасидаги алоқалар самарадорлиги ошишига хизмат қилади.

Агентликнинг 2010 йил 12 январдаги 14-сонли буйруғида соҳа ташкилотлари веб-сайтларига қатор талаблар қўйилган. Семинарда эътироф этилишича, айрим сайтларда мазкур талаблар ҳамон бажарилмасдан қолмоқда. Агентлик таркибидagi ташкилотларнинг 27та сайти ичида олти таси давлат тилида юритилмапти, биттасида рус тили, 11тасида инглиз

тилидаги талқинлари ишламай турибди. RSS-лента олтига сайтда ишламаётган бўлса, 16тасида UzCERTified, 23тасида қўшимча ресурслар мавжуд эмас. Веб-сайтларга ташриф буюрувчилар сони бўйича Агентлик (бир ойда 6365 ташриф), "Ўзбектелеком" АК (2706), "Ўзбекистон почтаси" ОАЖ (2524) ва UZINFOCOM (1822) сайтлари олд ўринларда бўлса, "TELMAX ELEKTRONIKS" (21), "Уз-связьспутник" (24), "Гранит" (27) веб-сайтлари оммавийлик борасида яхши кўрсаткичларга эга эмас. "Узсвязьспутник" ва "Гранит" ташкилотлари веб-сайтлари модернизацияга муҳтож. Маърузачилар ушбу камчиликларни тўриштириш юзасидан ўз тавсияларини беришди.

Семинарда "UNICON.UZ" ДУК директори ўринбосари Х.Ҳасановнинг Е-ХАТ ҳимояланган электрон почта тизими, Е-Нижат электрон ҳужжат айланиши тизими ҳамда электрон имзо калитларидан фойдаланишга оид маърузаси ҳам тингланди.

Лутфилло ТУРСУНОВ

Бошланғич ташкилот тузилди

Ўзбекистон Республикаси Вазирлар Маҳкамасининг 2010 йил 1 майдаги "Қамолот" ёшлар ижтимоий ҳаракати фаолияти самарадорлигини янада ошириш тўғрисидаги мажлис баёни ижросини таъминлаш ҳамда ёшларнинг жамиятда тутган ўрнини ошириш мақсадида "Матбуот тарқатувчи" акциядорлик компаниясида "Қамолот" ЁИХ бошланғич ташкилоти тузилди. Компаниянинг иқтидорли ва салоҳиятли ёшларидан Нодир Қосимов бошланғич ташкилотнинг етакчиси этиб сайланди.

Ушбу масалага бағишланган йиғилишда "Қамолот" ЁИХ Тошкент шаҳар кенгаши бўлими бошлиғи Сухроб Қирғизбоев, Юнусобод тумани кенгаши раиси Фарҳод Фузаиловлар иштирок этишди.

М.ОДИЛОВА

“Алоқабанк” да болалар байрами

1 июн куни “Алоқабанк” марказий офиси болаларнинг ўйин-кулгиси билан тўлиб-тошди. Халқаро болаларни химоя қилиш кунига бағишлаб банк касаба уюшмаси кўмитаси ташкиллаштираган байрам тадбирдан ходимларнинг фарзандлари олам-олам таассурот ва албатта, совғалар билан қайтишди.



Болажонлар ажойиб кўшиқ ва рақслардан баҳраманд бўлиши, турли ўйинлар ўйнаши, севимли эртақ қахрамонларининг ташрифи эса даврага янада шукуҳ бағишлади.

Шу кунги банк ходимлари фарзандлари ўртасида ўтказилган расмлар танловининг натижалари эълон қилинди. Унга кўра, 2-6, 7-10, 11-14 ёшли мўйқалам усталари орасида Денис Грачёв, Нигора Абдурахимова, Зебинисо Абдивоҳидова ҳамда безакли санъат

ўналишида Настя Хе ғолиб деб топилди. Банк бошқаруви раисининг биринчи ўринбосари Маҳмуд Абдурахмонов ва касаба уюшмаси кўмитаси раиси Рамиля Саҳобовалар байрам иштирокчилари ва ғолибларга совғалар топшириб, уларга энг эзгу тилакларни билдиришди.

Ёш рассомларнинг ижод намуналари “Алоқабанк”нинг Алоқа тарихи музейидаги стендидан ўрин оладиган бўлди.

Собит АҲАДОВ,
«Хабар» мухбири

ALOQA KORXONALARIDA

Тажрибаларга таяниб

Адашмасам, истиқдолнинг илк йилларида соҳалар бўйича вилоят раҳбарларининг пойтахтдаги олий ўқув юртларига ташрифи ташкил этилганди. Улар биз талаба-ёшларнинг шароитимиз билан танишиб чиққач, ўз вилоятларидан келиб ўқиётганларни йиғиб учрашув ўтказишди. Ўшанда Олимжон Эшоновни илк бор кўрганман. Ваҳоланки, бу инсоннинг билимдон, тажрибали, ўз ўрнида қатъиятли раҳбар эканлиги ҳақида устозларимиз эслатиб туришарди. Айниқса, ўқитувчим Сергей Смаршевскийнинг “Яхши ўқинглар, олинди сиз сурхондареликларни Олимжон Бобоҳўжавичнинг имтиҳони кутиб турибди”, деган гаплари ҳар доим ҳушёрликка чорлаб турарди.

Учрашув сабаб ўша дақиқагача нотаниш бўлган киши ҳақидаги тасавури батомом ўзгарди. Олимжон ака ўйлаб юрганимдек, сержаҳд, қаттиққўл эмас экан. Унинг бағрикенглиги, ширинсуханлиги, энг муҳими, тажрибадорлиги дарҳол билинди. Биз билан бўлган

суҳбат худди кечагидай ёдимда. У ўзини асло вилоят электралоқа ишлаб чиқариш бошқармаси бошлиғи, вилоят кенгаши депутати сифатида “баланд” тутмас эди. Аксинча, “Азиз ўғил-қизларим, сизлар Сурхондарё алоқасининг келажагисизлар. Соҳа сирларини чуқур ўрганишдан эринманг!” деб оталарча меҳрибонлик билан ўғит-насиҳат қиларди. Унутилмас кун оқшомидаги бир пиёла чой устида бўлган суҳбат чоғи бизга эсдалик совғалари ҳам беришди. Бўлуғи кадрларга кўрсатилган эътибордан бағоят қувондик.

Бошқаларни билмадим-у, мен ўтказилган тадбирдан катта сабоқ олдим. Эл назарини тушиш учун олий маълумотли мутахассисликни эгаллашнинг ўзи кифоя эмас. Балки, ишчанлик баробарида инсонийлик сифатларини ҳам шакллантири билиш керак. Ана шунда омад доимо йўлдош бўлади. ТАТУни биттириб келганимга ўн йилдан ошди. Ўтган мустақил меҳнат фаолиятим мобайнида асосан Термиз кабел участкасида хизмат қилдим. Теле-

фон тармоғини замонавийлаштириш билан боғлиқ мураккаб жараёнларда иштирок этдим. Электрон рақамли телефон имкониятлари элимизни мамнун этаётган экан, қилаётган хизматларимиз зое кетмаганидан севиниб қўяман.

Туман телекоммуникациялар боғламасига бошлиқ бўлганимдан бери ҳам бой тажрибаларга таяниб ишлашни қанда қилганим йўқ. Соҳамиз фахрийлари Мамаражаб Исмоилов, Норқўчқор Омоновлар билан маслаҳатлашиб турман. Кейинги бир йилда рўй берган сезиларли ўзгаришларни худди шу ҳамкорлик натижаси десам адашмайман.

Туманимизда интернет хизмати га талаб катта. Қўлаб оилалар шундай ниёт билан мурожаат этишяпти. Бу буюртмаларни бажаришга астойдил ҳаракат қиялгизим. Умид қиламанки, аҳил жамоамиз учун амалдаги Баркамол авлод йили ҳам муваффақиятларга бой бўлади.

Комилжон МАЛЛАЕВ,
“Сурхондарё Телеком” филиали
Шўрчи телекоммуникациялар
боғламаси бошлиғи

QILMISH-QIDIRMISH

Аёл – ибоси билан...

Аёл ҳаё, ибос, ифрат рамзи саналади. Уни барча кўкларга кўтарарди. Уларнинг биттагина ёмон олаги ҳам жуда хунук кўринади. Аслида ҳам шундай, аёллар учун фақат чиройли ишлар, гўзал турмуш ярашади. Лекин...

Гап шундаки, Б.Худоёрова Сергели туманидаги ўзи яшаб турган хонадонда давлат рўйхатидан ўтмасдан, назорат қилинмайдиган фойда олиш мақсадида турли мазмундаги, шу жумладан, инсонлар онги ва руҳиятига салбий таъсир қилувчи, ахлоқ қоидаларига зид бўлган порнографик мазмундаги дискларни ишлаб чиқарувчи яширин цех ташкил қилган ва бозорларда сотиш билан шуғулланган.

Департаментнинг Сергели тумани ходимлари тумандаги “Ярмарка” бозорига ўтказган рейд-текширувида фуқаролар С.Халилов ҳамда Р.Ходиевлар ҳеч қандай ҳужжатларга эга бўлмастан қонунга хилоф равишда турли DVD, CD ва MP3 дискларни сотаётганида қўла олинди. Савдодаги дисклар ўрганиб чиқилганида, уларда турли кўринишдаги бадий ва ҳужжатли фильмлар, мультфильмлар, шу билан бирга, порнографик хусусиятга эга фильмлар мав-

жудлиги аниқланди. Сотувчилардан мазкур товарларни қердан олгани ҳақида сўралганида, улар Сергели туманида истиқомат қилувчи Б.Худоёровадан олишганини айтишди.

Текширувни давом эттирган ходимларимиз Б.Худоёрованинг 3-маведаги хонадонига келиб, у ерда тегишли ҳужжатлари бўлмаган умумий суммаси 708.000 сўмлик 590 дона (шундан 30таси порнографик мазмундаги дисклар) турли кўринишдаги (DVD, CD ва MP3) дисклар, 2 дона нусха кўчирувчи мослама, процессор ва бошқа нарсалар мавжудлигини аниқладилар ва улар масала қонуний ҳал бўлгунга қадар далилий ашё сифатида олиб қўйилди.

Қонунбузарлар Б.Худоёрова, С.Халилов ҳамда Р.Ходиевларга нисбатан Жиноят кодексининг тегишли моддалари билан жиноят иши кўзғатилди.

Мироншох ТЕМУРОВ,
Бош прокуратура ҳузуридаги СВОЖДЛҚК
департаменти Тошкент шаҳар,
Сергели тумани катта инспектори

Республикамизда иқтидорли, қобилиятли ёшларнинг ҳар томонлама комил инсон бўлиб тарбияланиши, билим олиши ва шуғулланиши учун кенг имкониятлар яратилган.

БОЛА КУЛСА яшнар олам

2010 йилнинг Баркамол авлод йили деб эълон қилиниши бундай имкониятларнинг янада кенгайиб бораётганидан дарак беради. Жумладан, Баркамол авлод йили Давлат дастурида ўсиб келаётган ёш авлоднинг жисмонан ва маънан соғлом бўлишида кутубхона ҳамда китобнинг ўрни беқийс эканлиги, бу борда ахборот-кутубхона ва ахборот-ресурс марказларига юклатилган вазифалар аниқ белгилаб берилган.

Бобур номидаги Андижон вилоят ахборот-кутубхона маркази 29-умумтаълим мактабида 1 июн – Халқаро болаларни химоя қилиш кунига бағишлаб “Бола кулса яшнар олам” мавзусида брей-ринг ўтказди. Брей-рингга 8-синф ўқувчилари икки жамоага бўлиниб, ўзаро беллашдилар. Тўрт босқичдан иборат беллашувнинг шартли ўқувчиларнинг қай даражада китоб билан дўст эканлигини синовдан ўтказиш бўлди. Қизиқarli тарзда ўтган беллашувда 8-“б” синф ўқувчилари ғолибликни қўлга киритдилар.

Ғолибларни 29-мактаб директори Тоиб Камолова табриклаб, тадбирни ташкил этган АКМ ходимларига ўз миннатдорчилигини изҳор этди. Иштирокчиларга марказ томонидан эсдалик совғалари топширилди.

Бобур номидаги Андижон вилояти ахборот-кутубхона марказида Ўзбекистон Ёзувчилар уюшмаси вилоят бўлими, Андижон шаҳар халқ таълими бўлими ҳамкорлигида шоир Нусрат Абдусалом таваллудининг 65 йиллиги муносабати билан “Бағрини доғлар қалам” мавзусида ижодий кеча бўлиб ўтди. Уни Ўзбекистон Ёзувчилар уюшмаси вилоят бўлими раҳбари Хуршидабону очиб берди. Сўзга чиққанлар шоирни таваллуд айёми билан табриклаб, унга ижодий сермахсуллик тилашди.

Тадбирда иштирок этган 36-умумтаълим мактаби ҳамда енгил саноат коллежи ўқувчилари Нусрат Абдусалом қаламига мансуб она Ваган ҳақидаги шеър ва ғазаллардан ўқиб бердилар. Санъаткорлар шоир кўшиқларини куйга солдилар. Ўқувчилар тадбирда Тулан Низом, Олимжон Холдор, Қамчибек Кенжа, Қобил Мирзо, Рустам Эгам каби шоирлар билан юзма-юз учрашди.

О.ЙЎЛДОШЕВ,
Бобур номидаги вилоят АКМ
етақчи кутубхоначиси

Xalqaro hayot



НЕФТ ТИЗГИНЛАНДИ

British Petroleum компанияси Мексика кўрғазидagi платформадан сизиб чиқаётган нефтни жилловлашга эришди. Нефт оқаётган тешик цемент аралаштирилган махсус суюқлик билан беркитилган.

Эслатиб ўтамиз, шу йилнинг 20 апрел куни платформада портлаш содир бўлган эди. Ҳозирги кунгача уммон бўйлаб 26,5 минг тонна нефт тарқалиши оқибатида табиат ва наботот оламига жиддий зарар етиб, балиқчилик ва сайёҳлик соҳасида муаммолар юзага келди.

ХУКМ ЎКИЛДИ!

Ироқ суди "Ал-Қоида" террорчилик гурӯҳи жангарисини ўлим жазосига ҳукм этди. У 2006 йилда Бағдодда Россия элчихонасининг бир вакилини ўлдиришда ва тўрт вакилини ўғирлашда айбдор деб топилди.

РИА "Новости" хабарига айтилишича, 2006 йилнинг 3 июн куни Россиянинг Бағдоддаги элчихонаси олдида элчихона вакиллари ўтирган зирҳли машинага террорчилар ҳужум уюштиради ва бир ходимни ўлдириб, қолган тўрт нафарини ўз машиналарида ўғирлаб кетади. Кейинроқ террорчилар Россия ҳукуматида армиясини Чеченистондан олиб чиқиб кетиш талабини кўяди. Россия уларнинг бу талабини рад этгач, гаровга олинганларни қатл этишади.

2007 йилда Ироқ армияси жангарилардан бирини ҳибсга олди. Кейинроқ эса АҚШ армияси ҳужуми пайтида улардан яна бири ҳалок бўлгани аниқланди. Хабарларга қараганда, элчихонага ҳужум қилганлар етти киши бўлган.

ТЕРРОРЧИЛИК ДЕЯ БАХОЛАНМОҚДА

Россиянинг Ставропол шаҳри марказида кучли портлаш рўй берди. Портловчи қурилма шаҳар маданият ва спорт саройи яқинидаги "Аквариум" кафеси олдида ҳаракатга келтирилди. Етти киши ҳалок бўлган, қирққа яқин одам тан жароҳати олган.

Ҳуқуқ-тартибот идоралари мазкур хунрезликни террорчилик ҳаракати сифатида баҳолашмоқда.

ҚАНДАҲОРДА ХУНРЕЗЛИК

Афғонистоннинг Қандаҳор шаҳрида портлаш амалга оширилди.

Маҳаллий оммавий ахборот воситалари хабарига кўра, кўпурувчилик шаҳардаги компаниялардан бирига қарашли офис олдида содир этилган. Қурбонлар ва жароҳат олганлар ҳақида маълумотлар йўқ. Портлаш туфайли саккизта автомобилга жиддий зарар етган.

МАКТАБ ДЕВОРИ КУЛАБ ТУШДИ

Хитойнинг Гуанси-Чжуан муҳтор ҳудудида мактаб биносининг девори кулаб тушган.

Хабар қилинишича, кўнгилсиз воқеа юз берган пайтда мактаб ҳовлисида машғулотлар ўтказилаётган эди. Воқеа оқибатида уч нафар ўқувчи ҳалок бўлди ва 21 киши тан жароҳати олди.

Таъкидланишича, кулаб тушган девор таъмирланаётган экан. Ҳозирча, воқеа сабаблари хабар қилинмапти.

IT-SIYOSAT

ЎЙФОН, ЕВРОПА!

Европа Иттифоқи рақамли иқтисодиётни рабағлантириш учун 30дан зиёд қонунни қабул қилишга ҳозирлик кўряпти. Собиқ еврокомиссар Нили Кроэсининг сўзларига қараганда, бу ўзгаришлар яқин уч йилда амалга ошади.

ЕИнинг режасига кўра, 2020 йилга бориб Европадаги хонадонларнинг ярмидан кўпи 30 Мбит/сониядан кам бўлмаган тезликдаги интернетга улашиши керак. Бундан ташқари, 2013 йилда универсал кенг полосали қўллаш таъминланиб, европалликлар уйда, ишда ва интернет-кафеда ундан фойдаланиш имкониятига эга бўлишади.

Кроэсининг сўзлашича, ҳозир Европа Ит-

тифоқи замонавий технологияларни ривожлантириш учун АҚШга қараганда 40 фоиз кам инвестиция сарфламоқда. Бу шунинг англатадики, европалликларнинг учдан бири қисми интернетдан фойдаланишни билмайди ёки "Кўҳна қитъа"нинг фақат бир фоиз аҳолиси хонадонига оптик толали линия тортилган.

Тафовутга барҳам бериш учун Европа ахборот технологиялари, шунингдек, телекоммуникациялар соҳасидаги тадқиқот ва ишланмалар учун харажатларни икки баравар кўпайтириши лозим. 2020 йилга бориб бу мақсадлар учун йилга камида 11 миллиард евро сармоя керак бўлади.

БУРГАГА АЧЧИҚ ҚИЛИБ...

Google компанияси Windows амалиётлар тизимидан фойдаланишни батамом тўхта-тиб, Linux ва Mac OSларни қўллашга ўтмоқчи. Microsoft ишланмаси барча бўлинмалар ва ходимларнинг компьютерларидан олиб ташланиши кўзда тутилган. Айрим гап-сўзларга қараганда, хавфсизлик нуқтани назаридан келиб чиқиб шундай қилинмоқда.

2009 йил охири – 2010 йил бошларида айнан Windows ва Internet Explorer тизимларидаги туйнуклар орқали хитойлик хакерлар интернет-гигантнинг корпоратив тармоғига кириб, ундан махфий маълумотлар, шунингдек, компаниянинг бошқа "интеллектуал мулкларини" ўғирлашган. Шундан сўнг Google халқаро миқёсда жанжал кўтарган ва Хитой бо-

зорида ишлашдан бош торганди.


Аммо танганинг иккинчи томони ҳам бор. Кўп соҳаларда компаниялар манфаати тўқнашади ва муносабатлар рисоладагидек эмас, шу жиҳатдан олиб қараганда, Googleнинг Windowsдан воз кечишини Microsoft нуфузини пайсантириш йўлидаги баҳона деб ҳам қабул қилиш мумкин.

TECNOLOGYALAR

МОНИТОР USBдан ТОК ОЛАДИ

Samsung компанияси ягона USB-кабел билан таъминланган 18,5 дюймлик монитор тақдими-тини ўтказди. Интерфейс ҳам мониторга тасвирни узатади, ҳам уни электр токи билан таъминлайди. Компания вакиллари-нинг сўзларига қараганда, бундай мониторларни оммавий равишда ишлаб чиқаришга 2011 йилдан киришилади.

XAVFSIZLIK



УНИВЕРСАЛ ҲИМОЯЧИ

Symantec антивирус компанияси Norton Everywhere деб номланган янги дастурий маҳсулотини ишлаб чиқди. Унинг ўзига хослиги нафақат Windows ва Mac OS X амалиёт тизимларида ишловчи компьютерларни, балки йўлдошли қурилмалар, интернет-планшетлар, смартфонлар ва ҳоказо интернетга уланувчи электрон воситаларни вируслардан муҳофазалашидир.

Шунингдек, бир пайтнинг ўзига турли телевизион ва ўйин қурилмалар, электрон китоблар учун ҳимоя – Live Update тизими устида ҳам иш қизғин кетаяпти.

Norton Everywhere ва Live Update шу ойдан истеъмолчиларга тақдим этилиши режалаштирилган.

IT-BIZNES

ЭЛЕКТРОН КИТОБ ЎРНИГА iPad

Лондондаги Informa Telecoms & Media фирмаси тахминларига кўра, Kindle, Nook ва шунга ўхшаш электрон китобларга талаб яна тўрт йилгача юқори бўлади, кейинчалик бошқа тоифадаги электрон қурилмалар, масалан, iPadларнинг кўпайиб кетиши билан улар рақобатига бардош бера олмаслиги мумкин.

Таҳлилчилар 2010 йилда электрон китоблар савдо ҳажми 12,2 миллионга бўлишини чама-лашапти. Ўтган йили 5 миллионга қурилма сотилгани, 2013 йили 14 миллионга, 2014 йили эса 13 миллионга янги аср китоби сотилиши кутиляпти.



REYTING

ХИТОЙ ЎЗИНИ НАМОЁН ЭТМОҚДА

Ганновер (Германия)да ISC 2010 – суперкомпьютерлар конференцияси очилиши арафасида дунёнинг 500та энг кучли компютери рейтингини эълон қилинди. Етакчилар ўзгармаса-да, янги рўйхат бир қатор диққатга сазовор жиҳатларга эга. Жумладан, Хитойнинг суперкомпьютерлар ишлаб чиқариш борасидаги сўнгги йиллардаги изланишлари амалий натижаларини бера бошлади.

Сўнгги 15 йилда илк бор суперкомпьютерлар рейтингини Хитой компютери ("Шугуан" компаниясида тайёрланган "Синьюан" компютери) иккинчи ўринга кўтарилгани бунинг тасдиғидир. У кўрсаткичлари бўйича Европанинг ва АҚШнинг аксарият компютерларини ортда қолдирди.

Рейтингдаги айрим суперкомпьютерларнинг ишлаб чиқариш тезлиги қуйидагича:

1. Gray Jaguar (АҚШ Энергетика вазирлиги) — 1,75 петафлоп/сония.
2. "Синьюан" (Хитой) — 1,271 петафлоп/сония.
5. IBM BlueGene/P (Германия, Юлих суперкомпьютер маркази).
13. "Ломонос" (Россия, Москва Давлат университети) — 414 гигафлоп/сония.

(Давоми. Бошланishi 1-бетда.)

ТОШКЕНТДА:


Кўриб, кўз кувонади

“Ўзбектелеком” АК “ТШТТ” филиали тасарруфидаги “Алоқачи” ҳамда “Нилуфар” оромгоҳлари Бўстонлик туманининг хушманзара ва баҳаво масканида, тоғ ён бағрида жойлашган. Оромгоҳларни мавсумга тайёрлаш ишларига бу йил ҳам жиддий эътибор қаратилди.

“Алоқачи” болалар соғломлаштириш оромгоҳи бир навбатда 320 болани қабул қилишга мўлжалланган бўлиб, ҳудуди 10 гектарни ташкил этади, оромгоҳда 10та ётоқхона, 320 ўринли ошхона, футбол, волейбол ва баскетбол майдонлари, душхона, бассейн мавжуд.

Оромгоҳдаги икки қаватли корпусда канализация тизимига тўлиқ ўтказиш ишлари тугалланиш арафасида. Ётоқхоналар таъмирдан чиқарилди. Ҳар бир ётоқхона даҳлизи темир соябонлар билан тўсилди.

Таъмирталаб битта ётоқхона павилонининг шифти, душхона ва ҳожатхоналар тўлиқ таъмирланди. Оромгоҳ бассейни ҳамда ҳудуд оқова сувларини умумий канализация тизимига улаш учун ички тармоқ



“ТШТТ” филиали тасарруфидаги “Нилуфар” оромгоҳи

қуриш ишлари амалга оширилди. Ҳозирда бассейнни замонавий талабларга мослаштириш мақсадида темир листлар билан қоплаш ишлари олиб борилмоқда ва ушбу ишлар 10 июнгача тугатилади.

Ҳудуди 7 гектарни ташкил этувчи “Нилуфар” болалар соғломлаштириш оромгоҳи эса бир навбатда 220 болани қабул қилади. Оромгоҳ 8та ётоқхона, 220 ўринли ошхона, футбол, баскетбол майдонлари, душхона, бассейнга эга. Ҳозирда барча таъмирлаш ишлари якунланган.

2009 йилда ҳар икки оромгоҳда жами 2080 бола соғломлаштирилиб, шу мақсад учун 183 миллион сўм маблағ сарф этилган бўлса, 2010 йил ёзги мавсумида жами 2080 нафар болани дам олдириш учун 190 миллион сўм пул сарфланган.

Оромгоҳларда бино ва иншоотларда жорий таъмирлаш ишлари, энергетиклар томонидан зарур ишлар қўлами бажарилди, керакли жиҳозлар сотиб олиш масалалари ҳал этилди. Жумладан, хўжалик моллари, канцелярия буюмлари, спорт анжомлари ва дори-дармонлар билан тўлиқ таъминланди.

Шунингдек, тозалаш ва ободонлаштириш ишлари ҳам олиб борил-

ди ва 2500 тупдан ортиқ гул ва дарахт кўчатлари ўтказилди. Нафис ҳилли атиргулларни, саранжомликни кўриб, кўз қувнайди. Оромгоҳларни кўргазмани воситалар билан таъминлаш юзасидан қатор ишлар амалга оширилди. Ошхона ва оромгоҳлар худудларини безатиш учун баннерлар тайёрланди.

Тошкент вилояти Бўстонлик тумани санитария эпидемиология маркази мутахассислари томонидан дастлабки кўрик ўтказилиб, берилган кўрсатмалар асосида ишлар амалга оширилди. У ерда хизмат қилиш учун мавсумий ишчилар расмийлаштирилди ва улар томонидан тозалаш ва ободонлаштириш ишлари тугатилди. Ҳозирги кунда оромгоҳларда жами 50 нафардан ортиқ ишчилар фаолият юритмоқда.

“Нурафшон”, “Кимёгар”, “Алоқачи”, “Ниҳол”, “Охунбобоев” ва “Ёш алангачи” оромгоҳларидаги мавсумга тайёргарлик ишлари жойига чиқиб ўрганилди. Жумладан, 20 май куни Ўзбекистон алоқа ва ахборотлаштириш агентлиги Қашқадарё вилоят ҳудудий бошқармаси ходимлари “Алоқачи” оромгоҳини кўшимча ўрганиб чиқишди.

Кўчқор КАРИМОВ,
Вилоят алоқа ходимлари бирлашган касаб а уюшмаси қўмитаси раиси:

— Мавсум давомида алоқа ходимларининг 525 нафар фарзандлари марокли дам олишлари учун зарур шароитлар яратилган. Биринчи мавсум учун йўлланмалар аллақачон тарқатилиб, вилоят ахборот-кутубхона маркази томонидан кўчма кутубхона, ТАТУ Қарши филиали томонидан компьютер хоналари шай ҳолатда келтирилди. Ундан ортиқ тўғарақлар фаолияти, маъданий-маърифий тадбирлар режаси ишлаб чиқилган. Смета бўйича бир кунлик овқат учун харажат 3 минг 700 сўмни ташкил этса-да, корхоналар ҳисобидан маблағ сарфланиб, бир кунлик овқатланиш 8 минг сўм атрофида бўлади. Иккинчи йилдирки, болаларга бешинчи овқатни ташкил этганмиз. Унда болалар ётиш олдиан шарбатлар, ширинликлар билан сийланади. Шартнома асосида Қарши давлат университети ҳамда вилоят халқ таълими бошқармасидан жалб этилган педагог кадрлар танлаб олинди.

Холмираза ҚУРБОНОВ,
“ЎЗИ-Қарши” филиали директори:

— Мавсум олдиан оромгоҳ мажмуасида тайёргарлик ишлари олиб борилиб, ошхоналар етарли анжомлар билан таъминланган. Электр плиткалар ишлаб турибди. Идиш-товоқларни ювиш хонасида уч ванна ли иссиқ ва совуқ сув таъминоти етарли бўлиб, электр таъминотида узилиш бўлмаслиги учун зарур чоралар олдиндан кўрилди. Қаттиқ ва юмшоқ мебеллар билан таъминлашга эришилди. Филиалимига қарашли оромгоҳ 120 ўринли бўлиб, унинг ер майдони 7,1 гектарга тенг. ТП-63 кВтга мўлжалланган трансформатор бино ва ташқи ёриткичларни электр энергияси билан таъминлайди. Совуқ сув билан доимий таъминлаш мақсадида 63 мм ли сув қувири ётқизил-

ган. 3500дан ортиқ мевали ва манзарали дарахтларга шакл берилиб, оромгоҳ ички ва ташқи йўлаклари асфалт қилинди. 2009 йилда икки қаватли 80 ўринли янги ётоқхона биноси ишга туширилган бўлиб, тўғарақлар, тиббиёт, компютер, тарбиячилар, ота-оналар ва маърифат хоналари зарур жиҳозлар билан таъминланган.

Шоира НАБИЕВА,
Республика саломатлик ва тиббий статистика институти вилоят филиали директори:

— Куни кеча Шаҳрисабз туман тиббиёт бирлашмасида ёзги соғломлаштириш оромгоҳларида болаларга малакали тиббий ва профилактик хизмат кўрсатиш бўйича семинар ўтказилди. Унда вилоят соғлиқни сақлаш бошқармаси, Республика саломатлик ва тиббий статистика институти Қашқадарё филиали, вилоят касаб а уюшмалари ташкилотлари бирлашмасидан масъул ходимлар иштирок этиб, вилоят кўп тармоқли болалар тиббиёт марказининг травматолог-ортопед врачлари синишчиқишларда биринчи ёрдам кўрсатиш юзасидан кўриладиган зарур чоралар тўғрисида маъруза қилдилар. Тиббиёт хоналарининг бўйи, вазн ўлчагич асбоблари, музлатгич ва бошқа тиббий ускуналар, тиш даволаш асбоблари билан таъминланганлиги қайд этилди. Оромгоҳларда “Камолот” ЁИХ, “Соғлом авлод учун” хайрия жамғармаси, “Камалак” болалар ташкилоти вилоят бўлимлари, ИИБ, даволаш профилактика муассасалари ҳамкорлигида ўтказиладиган талбирлар тўғрисида келишиб олинди. Институтимиз томонидан оромгоҳларга тарқатмалли ахборот материаллари, плакатлар, буклетлар, эслатмалар ва қўлланмалар тарқатилди.

Ҳа, болаларни ёзги соғломлаштириш масалаларига доимгидек эътибор қаратилган. Мақсад мавсумни кўнглили ва мароқли ўтказиш.

Муборак МИРКАМолова,
Афтондил ИСМОИЛОВ

Оромгоҳлар тўлар шодликка

— Барча эзгу ниятларимиз марказида фарзандларимизни ҳам жисмоний, ҳам маънавий жиҳатдан соғлом қилиб ўстириш, уларнинг бахту саодати, фаровон келажagini кўриш мақсади ётибди, — дейди “ТШТТ” филиали касаб а уюшмаси қўмитаси раиси **Асқар Абдуллаев**. — Шу сабаб болалар мириқиб дам олишлари учун барча шароитни яратишга ҳаракат қиялпмиз.

КАШҚАДАРЁДА: “Алоқачи”га мархабо!

Қашқадарё вилоятидаги болаларни соғломлаштириш оромгоҳларида 2010 йилги мавсумга тайёргарлик анча эрта бошланди.

2010 йил Баркамол авлод йили Давлат дастурида белгиланган вазифаларни амалга ошириш, ёш авлодни маънавий ва жисмоний жиҳатдан соғлом ҳолда вояга етказишга эътиборни янада кучайтириш, жорий йилда болалар оромгоҳларини мавсумга ўз вақтида тайёрлаш ва ёзги соғломлаштиришни намунали ўтказиш мақсадида вилоят ҳокими ва вилоят касаб а уюшмалари ташкилотлари бирлашмаси кенгаши раёсати 2010 йил 5 февралда қўшма қарорлар қабул қилган эди.

Қўшма қарорга кўра, жорий йилнинг 17-20 май кунлари вилоят касаб а уюшмалари ташкилотлари бирлашмаси кенгаши ва тармоқлар касаб а уюшмаларининг масъул раҳбарлари иштирокида “Шўртан қалдирғочи”, “Ёшлик”, “Соҳибқирон”, “Бинокор”, “Беруний”, “Ло-



“ЎЗИ-Қарши” филиалига қарашли “Алоқачи” оромгоҳи

Заседание ученого совета

26 мая 2010г. в государственном унитарном предприятии «UNICON.UZ» состоялось очередное заседание Ученого Совета.

На повестке дня Ученого Совета (УС) рассматривались два вопроса: развитие международного сотрудничества ГУП «UNICON.UZ» — доклад ведущего юрисконсульта научно-исследовательского отдела по международно-правовым вопросам (НИО МПВ) ГУП «UNICON.UZ», кандидата юридических наук, доцента Л.Ф.Исхаковой;

- правовые основы организации деятельности сферы связи и информатизации в Республике Узбекистан — магистрант Ташкентского Государственного юридического института, юрисконсульта НИО МПВ ГУП «UNICON.UZ», Д.Абдалимовой.

Члены УС познакомились с основными аспектами деятельности НИО МПВ, который включает в себя: сотрудничество и взаимодействие с международными организациями в сфере связи и информатизации; сотрудничество на основе договоров и соглашений с зарубежными научными, образовательными учреждениями

и фирмами; а также индивидуальные личные контакты ученых с зарубежными научными, образовательными учреждениями. Также они познакомились с задачами по активизации международного сотрудничества. В том числе выполняемыми научно-исследовательскими работами отдела

Доклад вызвал интерес к деятельности НИО МПВ. После его завершения ученые обсудили вопросы международного сотрудничества, связи с научно-исследовательскими центрами, организациями, как в странах СНГ, так и зарубежом. Обсуждаемые вопросы стали объектами дискуссии. Ученые отметили развитие деятельности НИО МПВ, который был создан 1 апреля 2009 года.

Второй доклад был посвящен правовым основам организации деятельности сферы связи и информатизации в Республике Узбекистан.

УС ознакомился вкратце с

целями и задачами научно-исследовательской работы магистранта ТГЮИ Д.Абдалимовой. В своем выступлении она коротко познакомила с выводами и предложениями в результате проведенного анализа исследования правовой основы организации деятельности в сфере связи и информатизации Республики Узбекистан, изучение правового положения специально уполномоченного государственного органа в сфере связи и информатизации, деятельности государственных органов и других структур сферы в Узбекистане, законодательства, регулирующего отношения в этой отрасли.

После завершения доклада было подчеркнуто, что значимость научной работы повышется тем, что сфера связи и информатизации впервые рассматривается с правовых основ организации. Учеными были даны рекомендации и замечания по улучшению научной работы магистранта Д.Абдалимовой.

В завершении очередного заседания УС одобрил работы докладчиков.

«БИЛАЙН» ПОДДЕРЖАЛ ЧЕМПИОНАТ УЗБЕКИСТАНА ПО Е-СПОРТУ UCG SHOCK 2010 SPRING

«Билайн» оказал спонсорскую поддержку Чемпионату Узбекистана по е-спорту, проходящему под эгидой Узбекского агентства связи и информатизации.

Турнир UCG Shock 2010 Spring, организованный редакцией журнала «infoCOM.UZ» и клубом «SHOCK», стартовал 29 мая. Ранее, 17 мая, была объявлена регистрация участников по всей территории страны. За 10 дней для участия в чемпионате зарегистрировалось около 800 геймеров по пяти основным играм: Counter Strike 1.6 (командная игра 5x5), Dota All Stars (командная игра 5x5), FIFA 2010, WarCraft III: The Frozen Throne, Need For Speed: Most Wanted.

29 мая прошли первые состязания по одиночным дисциплинам FIFA 2010, WarCraft III: The Frozen Throne и NFS: MW, а 30 мая состоялся турнир по командной игре Dota All Stars. Победителям и призерам были вручены дипломы, а также ценные призы от организаторов и специальные подарки от «Билайн».

6 июня чемпионат завершится турниром по еще одной командной игре — Counter Strike 1.6, для участия в котором зарегистрировалось 54 команды.

ИЗМЕНЕНИЕ

условий программы UZ-CERTified

28 мая 2010 года вступают в силу новые условия программы UZ-CERTified. Изменения условий продиктованы необходимостью уведомления пользователей об участии в программе UZ-CERTified сайта, который они посещают. Новая редакция Публичной оферты (PDF) доступна на сайте Службы UZ-CERT.

Целью программы UZ-CERTified является решение одной из наиболее актуальных на сегодняшний день задач — повышение осведомленности пользователей национального сегмента сети Интернет об угрозах, которые могут подстергать их во время веб-серфинга в УзНЕТе. Однако владельцы многих сайтов-участников программы не устанавливают значок соответствия UZ-CERTified.


В связи с этим в текст Публичной оферты был добавлен пункт 4.11: «Клиент обязуется установить на главную страницу веб-сайта выданный ему Консультантом знак соответствия UZ-CERTified со ссылкой на страницу UZ-CERTified».

В соответствии с условиями оферты (п. 1.4), все сайты-участники программы были уведомлены по электронной почте о предстоящих изменениях в оферте 21 мая 2010 года — за 5 рабочих дней до вступления их в силу.

Таким образом, владельцам сайтов, участвующих в программе, не установившим значок соответствия UZ-CERTified, рекомендуется в ближайшее время обратиться в Службу UZ-CERT по телефону (238-4242, 238-4243) или электронной почте (cert@uzinfocom.uz) для получения HTML-кода данного значка.

Напомним, что программа UZ-CERTified — это бесплатная услуга для владельцев веб-сайтов в зоне «UZ», физически размещенных в Узбекистане. Сайты, принимающие участие в программе, ежеквартально (по запросу владельца ресурса) бесплатно проверяются на нали-

чие уязвимостей и угроз информационной безопасности.



Веб-сайт, зарегистрированный в программе UZ-CERTified, еженедельно проверяется специалистами Службы UZ-CERT на наличие вредоносного кода, что делает сайт безопасным для посещения. На данный момент в программе зарегистрировано 276 сайтов. Полный список всегда можно просмотреть на сайте Службы UZ-CERT в разделе «Программа UZ-CERTified».

Кроме того, приоритет рассмотрения заявки о консультативно-технической поддержке у участника программы UZ-CERTified выше, чем у обычного пользователя, обратившегося с аналогичной заявкой в UZ-CERT.

Справка: Служба реагирования на компьютерные инциденты UZ-CERT при Центре UZINFOCOM была создана в соответствии с Постановлением Президента Республики Узбекистан №167 «о дополнительных мерах по обеспечению компьютерной безопасности национальных информационно-коммуникационных систем» от 5 сентября 2005 года. Служба UZ-CERT является единым центром для пользователей национальных информационных систем и сегмента сети Интернет, обеспечивающим сбор и анализ информации по компьютерным инцидентам, консультативную и техническую поддержку пользователям в предотвращении угроз компьютерной безопасности.

Хотите, чтобы поисковая форма WWW.UZ всегда была с Вами? Вы с легкостью можете установить ее на своем собственном сайте.

Что же представляет собой Поисковая форма WWW.UZ?

ГЕНЕРАТОР КОДА поисковой формы на www.uz

Это форма для поиска информации по заданной теме, как в каталоге ресурсов WWW.UZ, так и по всему УзНЕТе.

Сгенерировать код данной поисковой формы можно при помощи интерактивного генератора кода. Для этого необходимо выполнить 2 простых шага:

выбрать один из трех представленных видов поисковой формы:

Вид формы

задать язык интерфейса поисковой формы — узбекский или русский:

Шаг 1: Настройка внешнего вида

Такой будет ваша поисковая форма

WWW.UZ также предоставляет возможность встроить поисковую форму в ваш браузер, установив специально созданный плагин. Расширение встраивается в ваш браузер в виде дополнительной опции в панель «Поиска».

Теперь Ваш поиск в УзНЕТе будет проходить еще быстрее.

ФРАНЦИЯ ПОЧТАСИ

(Охири. Бошланиши ўтган сонларда.)

Барқарор ривожланиш йўлида

Барқарор ривожланиш La Poste учун жамиятга хизмат қилишга замонавий ёндашиш, яъни компанияни атроф-муҳитни ҳимоя қилиш талабларидан келиб чиқиб ривожлантириш, мижозларга яқинлашиш, улар учун янгидан-янги хизматларни йўлга қўйишни аниқлатади.

Таъминотчиларга муносабатда ҳам барқарор ривожланишнинг мана шу талаблари илгари сурилади, ижтимоий ва экологик омиллар асло эътибордан четда қолмайди. Масалан, La Postening почтачилар учун иш кийими етказиб берувчи компания билан шартномасини олайлик. Униформалар махсус, эътибор беринг, айнан Франция почтаси учун махсус қурилган фабрикада фақат

пахтадан тайёрланади.

Барқарор ривожланиш сиёсатини юритиш мақсадида Франция почтасида бюджети чекланган махсус департамент ташкил этилди. Бу борадаги сиёсат ўзини тўлалигича оқлайди ва иқтисодий самардорликни оширишга хизмат қилади. Масалан, транспортларда муқобил ёнилғидан фойдаланиш орқали нафақат ҳавога зарарли газ чиқарилиши озаяди, балки ёнилғига сарфланаётган харажатлар ҳам қисқаради.

Бу борадаги ишлар доирасида бандлик муаммоси, ходимларга қулай меҳнат шароити яратиш, барча миллат, ирқ, жинс вакилларига бир ҳилда муносабатда бўлиш каби омилларга амал қилинмоқда. Сўнгги ўн йилда Франция почтасида меҳнат қилувчи хотин-қизлар сони 46,3 фоиздан 50,5 фоизга ўсди.



Франция почтаси даромадлари

Хат-хабарлар:
2007 йил — 11,530 млн. евро
2008 йил — 11,318 млн. евро

Жўнатмалар:
2007 йил — 1,330 млн. евро
2008 йил — 1,412 млн. евро

Почта банки:
2007 йил — 4,712 млн. евро
2008 йил — 4,771 млн. евро

Экспресс:
2007 йил — 3,171 млн. евро
2008 йил — 3,292 млн. евро

Мавзу доирасида

Жорий йилнинг январ ойида Франция парламенти Франция почтасининг юридик мақомини ўзгартиришни тасдиқлади — ўзгариш март ойидан кучга кирди ва ташкилот масъулияти чекланган компаниялар гуруҳи мақомини олди. La Poste вакилларининг сўзларига қараганда, бу замонавийлашиш томон ташланган муҳим қадам бўлди. Албатта, почта бизнеси давлат қўлида қолгани билан энди кўпроқ инвестиция жалб қилиш имконияти бор. “Франция почта хизмати 2011 йил январидан рақобат учун тўлиқ очилар экан, демек, у Франция ва хорижда рақобатчилар билан тенг курашга киришиши учун муносиб заминга эга бўлиши керак, — дейди La Poste директорлар кенгаши раиси Жан-Пол Бэйли. — Бунинг учун биз хизматларимизни замонавийлаштириш ва самардорлигини ошириш, бир сўз билан айтганда, Европа етакчилари орасида ўрнимизни йўқотмаслик учун кўпроқ инвестиция жалб этишга улгуришимиз лозим бўлади”.

АХБОРОТ ТЕХНОЛОГИЯЛАРИ:

КЕЧА, БУГУН, ЭРТАГА


Сўнгги бир неча ўн йилликда ахборот технологиялари sanoati жуда катта ўзгаришларга учради. Дарҳақиқат, катта йўл босиб ўтди — ҳисоблаш техникаларидан тортиб дастлабки “Мейнфрейм” компьютерлари (1960-йиллар)гача ишлаб чиқилди, тақсимланган ҳисоблаш, яъни бир ҳисоблаш вазифасининг турли қисмларини бир пайтнинг ўзида ечиш йўллари топилди.

2010 йил — XXI асрнинг дастлабки довоғига кўтарилган бир чоғда ортга бир назар ташлаш асносида олдинда бизни ахборот технологияларига доир қандай совғалар кутаётганини интиқлик билан кутиб қоламиз.

80-йиллар...

1980-йилларгача биз катта ЭХМ — “Мейнфреймлар” асрида яшайдик. Бизнес-маълумотларнинг тахминан 90 фоизи мана шу ЭХМларда ишланган. Бу компьютерлар улкан бўлгани билан универсал эмас эди ва бир қатор нуқулликларни келтириб чиқарарди. Тугал яқуний ҳисоботга эга бўлиш учун ҳафталаб, ҳатто ойлаб кутишга тўғри келарди. Шунда ҳам яқуний ҳулоса 100 фоз тўғрилиги кафолатланмаслиги лаҳзада қарор чиқариши лозим бўлган йирик корпорациялар учун ҳақиқий бошогриқ эди. “Мейнфрейм”ларга қарши яна бир далил — уларда очик тизим тамойили амал қилмаслиги, яъни бошқа платформалар билан мувофиқ келмаслик ҳолати эди.

Шу каби омиллар 80-йилларда техника инқилобига олиб келди. Аксарият муҳандислар ҳисоблаш қувватларини том маънода тақсимлаш устида кўпроқ бош қотира бошлашди. Айнан шу йил-



ларда компьютер компаниялари мутахассислари ва умидли ёшлар Unix, Wintel (Novel, PC LAN) каби амалиёт тизимлари ҳамда шахсий компьютер (DOS, Windows 386) учун амалиётлар тизимининг десктоп шаклларини ишлаб чиқишга киришиб кетишди.

Шу йилларда ахборотни узатишнинг стандартлари жорий этилдики, энди компьютерни унчалик тушунмайдиганлар ҳам унда олинган ахборотдан фойдалана оладиган бўлишди. Бироқ, айнан ахборотнинг катта оқими пайдо бўлиши билан уни сақлаш муаммоси ҳам келиб чиқди.

Жўнқин 90-йиллар...

90-йилларнинг бошларига келиб, йирик корпорациялар бундай тарқоқ инфратузилма билан узокқа бориб бўлмаслигини тушуниб етишди. Ҳар бир идора ёки ташкилот ўз компьютер тузилмасига эга бўлиб, унга хизмат кўрсатишга миллиардлаб маблағ сарфлашга мажбур эди. Тараққий этган, кенг қўламли маълумотларни сақлаш тармоғигина янги, замонавий инфратузилмани лойиҳалаш имконини берарди.

90-йилларнинг ўрталарида корпорациялар ягона корпорация доирасида ахборот технологияла-

ри инфратузилмасини марказлашган бошқаришга ҳаракат қилиб кўришди. Бу ташкилотлар ва уларнинг бўлимларида ахборот технологиялари харажатларини камайтиришнинг ягона йўли эди. Шунингдек, ахборот тарқатиш умумий хавфсизлигини таъминлаш ҳам зарур эди.

Янги марказлашган ахборот технологиялари хизматида қатор муаммоларни ҳал этиш вазифаси юклатилди. Мана улар: амалдаги бюджет асосида ахборот технологияларини қўллаб-қувватлаш қандай амалга ошади? Ахборот майдонида вазифалар қандай тақсимланган? Умумий марказлашган бошқарувнинг афзалликлари ва камчиликлари нимада?

Ҳар қайси компания бу масалага ўзича ёндашгани учун татбиқ этиш лозим бўлган турли-туман IT-усуллар юзга келди.

Янги минг йилликнинг бошланиши

2000 йилга келиб баъзи бир тушунчаларга ойдинлик киритишга уринишлар бўлди. Йирик компанияларнинг топ-менежерлари IT-саноатдаги “тартибсизлик” ҳамон қимматга тушаётганини яхши англаб етишди. Ва бу муаммолар ҳозир ҳам долзарб: нега тақсимланган ҳисоблашнинг баъзи амалиётлари стандартлашмаган, харажатларни ниманинг ҳисобига камайтириш мумкин?

Хулоса

Ташкилотларда корпоратив ахборот тизимларининг ишлаб чиқилиши ва жорий этилиши фақат ишончли, хавфсиз ва IT-инфратузилма ишлаб чиқарувчанлиги таъминланган шароитдагина режалаштирилган бизнес-натияжаларга эришишни таъминлайди. Бундан ҳулоса чиқарган кўп компаниялар ҳозир “улғайиш” погонасига қадам қўйишга туғанига гувоҳимиз.

UZ – Uzbekistan	COM – Commercial
KG – Kirgizistan	EDU – US Educational
KZ – Kazakhstan	GOV – Government
RU – Russia	INT – International
UA – Ukraine	MIL – US Military
UK – United Kingdom	NET – Network
US United States	ORG – Non-Profit Organization

Ўзбекистон миллий интернет ресурслари:

www.uz – миллий ахборот қидирув тизими
 ziyonet.uz – ахборот таълим тармоғи
 uforum.uz – муҳокама веб-портали
 edu.uz – Ўзбекистон таълим портали
 aci.uz – Ўзбекистон алоқа ва ахборотлаштириш агентлиги портали

Миллий ахборот қидирув тизими



Ушбу тизим орқали барча турдаги ахборотларни қидириш ва соҳалар бўйича барча сайтлар рейтингини кўриш мумкин.

***ЎзААА ва ТАТУ билан ҳамкорликда тайёрланди**

КОМПЮТЕР САВОДХОНЛИГИ



(Давоми. Бошланиши ўтган сонда).

WWW хизмати ташкил этилгандан сўнг эса (1996 йил), ҳар ярим йилда интернет фойдаланувчиларининг сони 1,5 баробарга ортиб борди. Бугунги кунда интернет тармоғининг фойдаланувчилар сони 300 миллионга етди.

WWW хизматининг асосий тушунчалари:

- HTML формати
- Гиперматн боғлиниши
- HTTP гиперматн узатиш протоколи
- Web-маълумотлар
- Web-узел ва сайтлар
- Web-саҳифаларнинг фаол компонентлари

HTML формати тушунчаси

Web-саҳифа – алоҳида тугалланган гиперматнли ҳужжатлар бўлиб, улар биргаликда сайтни ташкил этадилар. Ҳар гал интернетда ишлаш жараёнида сиз, албатта, Web-саҳифалардан бирини экранда кўрасиз.

Сайтнинг ташкил этувчиси бўлган Web-саҳифанинг ўзи алоҳида экранга чиқарилиши ҳам мумкин. Ҳар бир Web-саҳифа ўз манзилига эга. Умуман, Web-саҳифа яратиш учун HTML (Hyper Text Markup Language – маъноси гиперматнни белгилаш тили) ишлатилади. Бу тил 1989 йилда

тарқалган. Энг қулай ва фойдаланишга осон дастур – Microsoft Windows учун Eudoradan фойдаланилади. Windows амалиёт тизимида электрон почта билан ишлашни Microsoft Outlook Express иловаси таъминлайди. Бу дастурлар қуйидаги вазифаларни бажаради:

- матнни яратиш;
- хат-хабарларни (корреспонденцияларни) ўқиш ва сақлаш;
- хат-хабарларни ўчириш;
- манзилни киритиш;
- хат-хабарларни қабул қилиш ва жўнатиш;
- турли ҳужжатларни, жадвалларни, расмларни ва бошқа файлларни импорт (қабул қилиш ва керакли форматга ўзгартириш), хатга илова қилиш.

Одатда, электрон почта дастурлари ASCII кодидаги матнларни иккилик форматда ҳам жўнатади. ASCII кодида фақат матнларни ёзиш мумкин.

Иккилик файлларда ҳар қандай ахборотни сақлаш мумкин, шу боис аралаш хабарларни (графика ва матн) ва дастурларни узатиш учун иккилик тизим қўлланилади.

Электрон почта – бу интернет тармоғи орқали хабарлар алмашиш хизмати ҳисобланиб, асосан иккита компонент иштирокида ташкил этилади:

- Электрон почта сервери – хабарларни жўнатиш ва қабул қилишни таъминлаш
 - Электрон почта клиентни – хабарларни яратиш, ўқиш ва жавоб қайтариш
- Электрон почта хизмати қуйидаги имкониятларни тақдим этади:

- Хабарларни тезкор алмашиш (бир неча дақиқа)
- Хабарларга қўшимча маълумотларни илова қилиш
- Хабарларга расм ва мултимедиа маълумотларини жойлаштириш

HTTP гиперматн узатиш протоколи

HTTP (Hypertext Transfer Protocol) — Гиперматнларни узатиш протоколи — тармоқ протоколлари ичида энг содда ва қулай протоколлардан ҳисобланади. Унинг асосий вазифаси гипербоғлинишдан ҳосил бўлган URL-манзилли электрон маълумотларни ўқишга оид сўров (запрос)ни серверга жўнатиш (худди шу вақтда сўралаётган маълумот жойлашган сервер билан алоқа ўрнатилади) ва сўралаётган маълумот олиб бўлингандан сўнг сервер билан алоқани узишдан иборат.

Гиперматнли боғлиниш тушунчаси

Интернетда электрон маълумотлар гиперматн ёрдамида баён этилади. Гиперматн бу матнни гипербоғлинишлар ёрдамида ифодалашдир. Гипербоғлинишлар ички ва ташқи бўлиши мумкин. Агар гипербоғлиниш бошқа бир серверда мавжуд бўлган алоҳида ўзининг URL-манзилга эга бўлган электрон маълумотга нисбатан ишлайдиган бўлса, у ҳолда бундай гипербоғлиниш ташқи деб аталади. Баъзи ҳолларда Web-маълумот муаллифлари қулайлик нуқтаи назаридан бир сервернинг ўзида жойлашган электрон маълумотнинг ўзини ҳам бир неча бўлақларга бўлиб, гипербоғлинишлар ёрдамида ифодалайдилар, бундай гипербоғлинишлар ички деб аталади.

Web-маълумотлар

HTML форматда тайёрланган электрон маълумот HTML маълумот, Web-маълумот ёки Web-саҳифа деб аталиши мумкин.

Агар электрон маълумотни тайёрлаш ҳақида гап борса, у ҳолда маълумот HTML-маълумот деб аталади ва ушбу электрон маълумотни интернетда эълон қилиш ёки тарқатиш ҳақида борса, ҳолда бу маълумот Web-маълумот деб аталади. Бордию, ушбу маълумотдан фойдаланиш ҳақида борса, у ҳолда бундай электрон маълумот Web-саҳифа деб аталади.


Женевада Тим Бернерс-Ли (Tim Berners-Lee) томонидан яратилган. Кейинчалик Тим Бернерс-Ли «Интернет отаси» номига сазовор бўлган. Тил дастурлаш тили эмас, фақат Web-саҳифа яратиш учун мўлжалланган. Web-саҳифада бирор маълумотларни қайта ишлаш алгоритмларини ўрнатиш учун Java тилида тузилган дастурлардан фойдаланилади.

HTML тили ўзининг синтаксиси ва семантикасига эга. Унинг таркибини бир неча элементлар ташкил этади. Ҳар бир Web-саҳифа чекли сондаги элементлардан ташкил топади. Тилнинг асосий тушунчаларидан бири Тег (Tag) ҳисобланади. Тег – элементнинг боши ва охирини кўрсатувчи белгидир. Тег элементнинг саҳифадаги таъсир кўрсатиш доирасини аниқлайди ва бир элементдан бошқа элементни ажратиб туради. Web-саҳифанинг матнида тег < ва > белгилари орасига олиниб ёзилади. Тег охири эса "/" (огма чизиқ) белгиси билан якунланади.

Атрибут тушунчаси тилда элементнинг параметрини ёки хусусиятини аниқлайди. Масалан, шрифт атрибути деганда, биз шрифт катталиги, тури, ранги, ёзилиш усулини тушунамиз. Web-саҳифадаги бошқа бир асосий тушунча гиперҳавола (гиперссылка) тушунчасидир. Гиперҳавола матннинг бир бўлаги бўлиб, ундан бошқа бир файлга ёки объектга мурожаат қилиш мумкинлигини англатади. Гиперҳавола бир ҳужжатдан бошқа бир ҳужжатга ўтишда ёки аксинча қайтишда ишлатилади. Фрейм (Frame) тушунчаси тилда икки хил маънода ишлатилади. Биринчиси ҳужжатни алоҳида ўз ойнасида кўриб чиқиш соҳаси бўлса, иккинчиси мураккаб графикли (анимацияли) файлда қайта ишлаш ва тасвирлаш. HTML тилида яратилган Web-саҳифа ташқи хотирага .html кенгайтма номи билан сақлаб қўйилади.

26

- Хабарларни бир гуруҳ фойдаланувчиларга узатиш
- Хабарларни қидириш ва сақлаш




Электрон почта орқали хабарларни узатиш ва қабул қилиш

Электрон почта манзили

Электрон почта манзили почта қутиси номи ва почта сервери манзилдан иборат бўлади.

name@domain3.domain2.domain1

info@tuit.uz



Хабар таркиби

Электрон почта хабари таркиби:

- Кимга майдонига қабул қилувчи манзили киритилади
- Нусха майдонига учинчи шахс манзили кўрсатилади
- Мавзу майдонига хабар мавзуси ёзилади
- Хабар майдонига асосий маълумот киритилади.

Интернет домен номлари

Интернет домен номлари интернет манзилларида ишлатилиб, улар мамлакат номларини, ташкилот ва корхоналар фаолиятини англатади.

31

Web-узел ёки сайтлар

Битта муаллиф ёки WWWга тегишли бўлган бир гуруҳ ўзаро гипербоғланишлар билан алоқадор бўлган Web-саҳифалар мажмуаси Web-узел (тугун) ёки сайт деб аталади.

Web-сервер

Web-сервер тушунчасини икки хил маънода ишлатиш мумкин. Агар www хизматини кўрсатиш ҳақида гап борса, у ҳолда Web сервер тармоқ мижозларига Web-саҳифа ва сайтлардан фойдаланиш имкониятини яратиб берувчи дастур маъносини англатади. Агар сўз интернетнинг техник таъминоти ҳақида борса, у ҳолда Web-сервер Web-ресурслари сақланаётган ва унинг дастур таъминоти ишлаб турган компьютер маъносини англатади. Интернет тармоғининг ихтиёрий бир компютерида бир неча сервер дастурлар ишлаб туриши мумкин. Масалан, Web-сервер дастурси, FTP сервис электрон почта сервери дастур таъминотлари ва ҳ.к. Битта Web-серверда (компютерда) бир қанча ташкилот ёки корхоналарнинг Web-сайтлари (узеллари) Web-саҳифаларни жойлаштириш мумкин.

Web-саҳифанинг фаол компонентлари

Маълумки, Web-саҳифа таркибига HTTP протоколи орқали амалга ошириб бўлмайдиган алоҳида объектларни жойлаштириш мумкин. Агар худди шу Web-саҳифа таркибига бириктирилган объектлар HTTP протоколи кодларидан фарқли дастур бўлса, у ҳолда бундай объект Web-саҳифаларнинг фаол компонентлари (объектлари) деб аталади.

Ушбу фаол объектлар ёрдамида Web-саҳифаларни жойлаштириш мумкин.

Масалан, анимация, мултипликация ва видео фрагментларни жойлаштириш ёки мижоз билан интерфаол-

28

мулоқотни ташкил этиш, физика, химия ёки техникага оид ҳар хил тажрибаларни намойиш этиш ва ҳ.к.

Web-сервер билан ишлаш мобайнида Telnetга четдан уланишни бажариш, тармоқ мижозларига электрон почта юбориш, FTP-аноним ёрдамида файлларни олиш ва интернетнинг бошқа бир қатор иловаларида (амалий дастурлар) иш бажариш мумкин. Бу ивнинг интернетнинг интеграл хизмати деб ҳисоблашга имкон беради.

Электрон почта

Интернетнинг асосий хизматларидан бири бу Электрон почтадир. **Электрон почта** (email — electronic mail) оддий почта вазифасини бажаради. У бир манзилдан иккинчисига маълумотларни жўнатилишини таъминлайди. Унинг энг асосий афзаллиги вақтга боғлиқ эмаслигида. Электрон хатлар жўнатилган заҳотиёқ манзилга боради ва эгаси олгунга қадар унинг почта қутисига сақланади. Матнли хат, графикли ва товушли файлларни, дастур файлларини ўз ичига олиши мумкин.

Электрон хатлар бир вақтнинг ўзида бир неча манзиллар бўйича жўнатилиши мумкин. Интернет фойдаланувчиси электрон почта орқали тармоқнинг турли хизматларидан фойдаланиш имкониятига эга бўлади, чунки интернетнинг асосий хизмат дастурлари билан интерфейсга эга. Бундай ёндашувнинг моҳияти шундаки, хосткомпютерга талаб электрон хат кўринишида жўнатилади. Хат матни зарур функцияларга киришни таъминловчи стандарт ёзувлар тўпламидан тузилади. Бундай ахборотни компютер буйруқ сифатида қабул қилади ва бажаради.

Электрон почта билан ишлаш учун дастурлар яратилган, уларни mail умумлашма номи билан бирлаштириш мумкин. MS OO5да фойдаланувчилар учун bml дастури қўлланилса, Unix тизимлар учун elm дастури кенгрок

29

Ёшлик ва шижоат байрами

Мамлакатимизда бешинчи бор ўтказилаётган “Универсиада” ўйинлари, мана, ўн йилдирки, нафақат унинг иштирокчилари, балки барча ўғил-қизларимиз, бутун халқимиз ҳаётидан мустақкам ўрин эгаллаб, Ўзбекистон талаба-ёшларининг нуфузли спорт анжуманига, таъбир жоиз бўлса, кичик олимпиадага айланди десак, асло муболаға бўлмайди.

Вилоятимизда бундай нуфузли мусобақани тайёрлаш ва ўтказиш, албатта, алоқа соҳасида меҳнат қилаётган ишчи ходимлар зиммасига ҳам қатор вазифаларни юклади. Мусобақа иштирокчиларини сифатли телефон алоқа воситалари ва интернет хизмати билан таъминлаш “Андижон Телеком” филиали ходимлари томонидан юқори даражада амалга оширилди.

Филиал ходимлари томонидан спорт мусобақалари бўлиб ўтадиган 31та олий ва ўрта-махсус ўқув юртинининг спорт иншоотлари ва талабалар тураржойларида ўрнатилган юздан ортиқ телефон алоқа воситаларининг узлуқсиз ишлаши филиал томонидан маъмул этиб тайинланган мутахассис-



лар назорати остида бўлди.

“Андижон Телеком” филиали томонидан ҳомийлик асосида мусобақа ўтказилиши режалаштирилган 31та олий ва ўрта-махсус ўқув юртинининг спорт иншоотлари ва ётоқхоналари сифатли телефон алоқаси ва шундан 14таси юқори тезликдаги интернет тармоғига уланди. Бу, албатта, қувонарли ҳол, университетларда иштирокчилари мусобақа кунлари ўз яқинлари билан телефон орқали суҳбат қуриш ва интернет тармоғи орқали турли маълумотлар алмашиш, ҳар бир спорт тури учун махсус яратилган электрон почта (e-mail) орқали ўз тенгдошлари билан замо-

навий интернет орқали мулоқот қилиш имкониятига эга бўлдилар.

Андижон шаҳри кўчаларида қад ростлаган замонавий кўринишдаги сўзлашув масканлари мусобақа қатнашчилари учун республикамизнинг турли вилоятлари ва дунёнинг исталган бурчагига сўзлашувларни амалга оширишда сифатли хизмат кўрсатди. Бу хизматларни йўлга қўйишда “Андижон Телеком” филиали ходимларининг меҳнатлари катта бўлди.

Беллашувларда Қорақалпоғистон Республикаси, барча вилоятлар ва Тошкент шаҳри терма жамоалари таркибиде 1800 нафарга яқин йигит-қиз ўзаро кураш олиб борди. Мусобақалар спортнинг 12

тури бўйича ўтказилди. Спортчилар талабалар Олимпиада ўйинлари тамойиллари асосида ҳалол беллашиб, юксак спорт маҳоратини намойиш этдилар. Беллашувлар жараёнида иктидорли спортчилар 176 олтин, 176 кумуш ва 191 бронза медалларига сазовор бўлишди. Беллашувлар натижаларига кўра, умумжамоа ҳисобида биринчи ўринни Тошкент шаҳри жамоаси эгаллади. Иккинчи ўрин Андижон вилояти, учинчи ўрин эса Навоий вилояти вакилларига насиб этди.

Шухратбек АҲМАДЖОНОВ,
“Андижон Телеком” филиали
ЭАБ мутахассиси

FUTZAL

Футзалчиларимизда кумуш

Футзал бўйича пойтахтимиз мезбонлик қилган Осиё чемпионати муваффақиятли ўтди. Ҳам ташкилий жиҳатдан, ҳам мухлисларнинг қўллаб-қувватлаши борасида алоҳида эътирофга сазовор бўлган турнирда терма жамоамиз вакиллари чиройли ўйинларни намойиш эта олишди.

Гуруҳ ўйинларида биринчи ўринни банд этган Сапо шогирдлари аввалига чорак финалда Австралия терма жамоасини, ярим финалда Ҳитойни мағлуб этиб финалга йўл олишди. Табиийки, вакилларимизнинг финалдаги рақибни тўққиз қарра Осиё чемпиони — Эрон эди. Финал ўйини бошланиши олдидан Муҳаммад бин Ҳаммам бошчилигида Осиё футбол конфедерацияси мутасаддилари ва ЎФФ президенти Мирабор Усмоновлар финалчиларга омад тилашди.

Ўйин бошланишида ҳамюртларимиз рақиб дарвозаси олдида ҳужумлар уюштира бошлашди. Шундай яққол устунлик тўрт ярим дақиқа давом этди ва икки марта форслар дарвозаси ишғол қилинди! Дастлаб ён чиққан узатиб берилган тўпни Дилшод тўрға туширган бўлса, орадан кўп ўтмасдан чап қанотдан уюштирилган ҳужумдан сўнг Нодир Элибоев дарвозабон билан бирга-бир вазиятга чиқиб борди ва уни доғда қолдирди.

Шамс Хуссейн ўша заҳоти тайм-аут олди. Бир дақиқалик танаффусдан сўнг давом этган ўйинда форслар чиройли комбинация орқали Жаводни дарвозабон билан бирга-бир вазиятга чиқаришди ва у имкониятни қўлдан чиқармади — 2:1. Шундан сўнг эронликлар устунлигини қўлларига олишди ва бир тўп фарқидаги ғалаба билан танаффусга чиқиб кетишди.

Худди ўйин бошида бўлгани каби, вакилларимиз иккинчи бўлимни кўтаринки кайфиятда бошлашди. Рақибнинг кучли прессинги остидан чиқиб кетган вакилларимиз Элибоевни ажойиб вазиятга чиқаришди. У эса ўз олдидаги бир ҳимоячини алдаб ўтиб, дарвозани ишғол қилди — 3:3. Аммо, “Ўзбекистон” залини тўлдириб ўтирган минглаб футбол мухлисларининг қувончи кўпга чўзилмади. Эроннинг моҳир футболчилари аслида нималарга қодир эканликларини кўрсатиб кетма-кет гол киритишди. Якуний ҳисоб — 3:8! Ўзбекистон футболчилари учинчи бор Осиёда иккинчи бўлишди.

Эълон

Гулхумор Мирзахметовага ТАТУ томонидан 2007 йил 20 октябрда берилган 47 Т 262 рақамли рейтинг дафтарчаси йўқолганлиги сабабли **БЕКОР ҚИЛИНАДИ.**

SAMBO

Кучли полвонлар Тошкентда

«Жар» спорт-соғломлаштириш мажмуасида Осиё очик чемпионати ўтказилмоқда. Тўрт кун давом этадиган мусобақада Ўзбекистон, Россия, Япония, Жанубий Корея, Ҳиндистон, Афғонистон, Эрон, Сурия, Ироқ, Малайзия, Сингапур, Мўғулистон, Туркменистон, Қозоғистон, Қирғизистон каби йигирмага яқин давлатдан 500 нафар спортчи голиблик учун куч синашди.

Мусобақанинг биринчи куни катталар ўртасида дастлабки голиблар аниқланди. 52 килограмм вазн тоифасида гиламга чиққан ҳамюртимиз Шавкат Жўраев россиялик Эдуард Жавкин ва қозоғистонлик Эдуард Сафаровни мағлубиятга учратиб, олтин медалга сазовор бўлди.

Хотин-қизлар баҳсида Дилдора Убайдуллаева ва Ўғилжон Рўзметова ўз вазн тоифасида барча рақибларини енгиб, шоҳсупанинг юқори поғонасидан жой олди.

FUTBOL

Сколари кетди, Миржалол қайтди

Сколари “Бунёкор” жамоасини тарк этгач, Миржалол Қосимов жамоа бош мураббийи лавозимини эгаллади.

Қосимов жамоани бунгача 2007 йилнинг 4 декабридан кейинги мавсумнинг 24 сентябрга қадар бошқарган эди. Кейин эса 2009 йил 13 апрелдан клубда ёрдამчи мураббий вазифасида фаолият олиб борганди.

Эрматов Африкага йўл олди

Ҳамюртимиз Равшан Эрматов ёрдამчилари — Рафаэл Илёсов ва Баҳодир Қўчқоровлар билан биргаликда Жанубий Африкага йўл олдилар.

Ҳакамларимиз Иоханнесбургга етиб боришганларидан бир кун ўтиб, яъни 3 июн кунининг ўзидаёқ дастлабки машғулотларга киришишди. Жаҳон Чемпионати бошлангунга қадар яхши формага кириб олиш мақсадида босқичма-босқич топшириқларни мураккаблашиб бориши кўзда тутилган.

Барча ҳакамлар Преториядаги лагерда истиқомат қилишади. Агар бошқа шаҳардаги ўйинларга тайинланган бўлишса, шундангина улар қисқа муддат ўз жойларини ўзгартириши мумкин бўлади. Ўйинлар ниҳоясига етгач ҳакамлар ўз лагерларига қайтиб келишади ва ўтган ўйинни назарий ва амалий жиҳатдан таҳлил қилишади.

Моуринно “Реал” бош мураббийи!

Португалиялик мураббий Жозе Моуринно “Реал” билан тўрт йиллик шартнома имзолади. Эслатиб ўтамиз, 47 ёшли мутахассис ўтган мавсумда “Интер” билан Италия чемпионати, Италия кубоги ва Чемпионлар Лигасида ғалабага эришди.

ЎЗБЕКИСТОН АЛОҚА ВА АХБОРОТЛАШТИРИШ АГЕНТЛИГИ

Маълум қиладики, Ўзбекистон Республикаси Вазирлар Маҳкамасининг 2000 йил 22 ноябрдаги 458-қарори билан тасдиқланган “Телекоммуникациялар соҳасидаги фаолиятни лицензиялаш тўғрисида низоми”нинг 48-бандига асосан “Ишонч” телерадиокомпанияси (Сурхондарё вилояти) теледастурулар тарқатиш тармоқларини лойиҳалаш, қуриш, фойдаланиш ва хизматларини кўрсатиш бўйича фаолиятига 2006 йил 24 мартда берилган АА серияли 0001446 рақамли лицензиянинг амал қилиши тикланди.

➔ O'ZBEKISTON DURDONALARI

Миноралар салобати

Миноралар... асрлар давомида шарқ халқларининг, жумладан, юртимиз аҳолисининг ҳам гурури, ифтихори бўлиб келган улар. Вифор билан кўкка бўй чўзиб турган минораларни кўпчилик умрбоқийликка, нозиктаб шoirларимиз эса сарвқоматга ўхшатишади.

Қадим-қадимдан миноралар одамлар учун маёқ вазифасини ўтаган. Яъни, қоронғи пайтда шаҳарга келувчи мусофирлар уларга қараб йўл топганлар. Шунингдек, улар муаззиннинг азон товушини ҳамма эшитиши учун минбар вазифасини ўтаган.


Дунё миқёсида кўп асрлик миноралар кўп. Улардан 1127 йилда қурилган Минораи Калон (Бухоро шаҳрида), 1852-1855 йилларда қурилган Калтаминор (Хива), 1193 йилда қурилган Минораи Кутб (Ҳиндистон), 1373 йилда қурилган Ёвли (Туркия), 1321-1326 йилларда қурилган Кутлуг Темур (Туркменистон) миноралари шулар жумласидандир.

1399-1404 йилларда Соҳибқирон

Амир Темур томонидан барпо этилган Амир Темур Жомеъ масжиди ўрта Осиё ҳудудида яратилган улкан меъморий обидалар сирасига кирди. Унинг тўрт томонида тўртта минора қад ростлаган. Масжиднинг икки улкан — ташқи ва ички равоқларида ҳам тўрт минораси бор. Самарқанднинг қўхна мавзеларидан бири бўлмиш Яккаминор гузари бевосита ушбу обид билан боғлиқ.

Минораларни асл ҳолида сақлаш учун унга доимий эътибор зарур, албатта. Масалан, Самарқанднинг Регистон ансамблида 10та минора бўлган бўлса, бугунги кунга қелиб, унинг бтаси сақланиб қолган.

1918 йилда Улуғбек мадрасасининг шимоли-шарқий қисмидаги минора оға бошлаган. Оғиш шу даражага етганки, минора асосий ўқидан 1,8 метрга оғиб, ҳатто кулаб кетиши хавфи туғилган. Унинг оғишини тўхтатиш учун айланасига тахта билан ўраб, 36 тонналик 24та темир сим билан ерга қозиқ қилиб, боғлаб қўйил-



МУҚАДДАС ҚАДАМЖОЛАР

Марказий Осиёдаги энг диққатга сазовор шаҳарлардан бири Хива Амударёнинг чап соҳилида, Хоразм вилоятининг жанубида жойлашган.

Бу барча ёдгорликлар бутунлигича сақланиб қолган нодир обидида шаҳардир. 1967 йилда Хива “Қўриқхона шаҳар” деб эълон қилинди, 1990 йилдан бошлаб эса Хиваниннг ички қисми Ичанқалъа ЮНЕСКО томонидан жаҳон аҳамиятига молик тарихий обиди сифатида эътироф этилди.

Ҳозирги кунда бу масканга жаҳоннинг турли жойларидан минглаб сайёҳлар ўрта асрлар меъморчилиги намуналарини томоша қилиш учун келишади.

2010 йил 15-16 май кунлари Навоий вилояти алоқа ходимлари бирлашган касаб а уюшмаси кўмитаси тизимидаги алоқа ташкилотлари ходимлари учун касаб а уюшмаси маблаг и ҳисобидан саёҳат ташкил этилди. Эллик нафар алоқачи Хива, Урганч шаҳарларининг ноёб дурдоналари билан танишдилар. Саёҳат давомида Германия, Франция, Италия сайёҳлари билан бир-бирларини тушунмасаларда қалбларид а бир хил эзгулик, яхши тилаклар билан эсдалик суратларга тушишди.

Неча йиллардан бери Хивага боришни ниёт қилиб юрган “Навоий Телеком” филиали ходими Вакила Гумирова, Ойдин Хайруллина, Насиба Усмоновлар мустақил Ўзбекистонимизнинг шундай ажайиб тарихий меъморий обидаларини томоша қила туриб, Аллоҳга шуқуронлар айтишди. Шунингдек, “Ўзбекистон почтаси” ОАЖ Навоий филиали ходими Юлдуз Янгиева, ахборот-қутубхона маркази ходими Муҳаббат Имомовлар Урганч шаҳрида қад ростлаб турган Жалолиддин Мангуберди ёдгорлиги, Хоразм воҳасининг тарихи билан танишиб, бир қанча таассуротлар олиб, “Қизилқум чўлларида Навоий шаҳрига етиб келганимизни сезмай қолдик” дейишди. Узоқ йўлни яқин қилган автобус ҳайдовчиси Тойир ака Элмуродов ва ёрдамчиларига алоқачилар ўз миннатдорчиликларини билдиришди.

Муҳаббат НОРҚУЛОВА,
Навоий вилояти алоқа ходимлари бирлашган касаб а уюшмаси кўмитаси раиси

ган. Самарқанд вилояти архитектори М.Мауэр таклифига асосан минора улкан домкратлар орқали қайта жойига тикланган.

Республикамиз мустақилликка эришганидан сўнг юртимиздаги қадимий маданий ёдгорликлар, жумладан, салобатли минораларни ҳам асл ҳолига қайтариш учун таъмирлаш ишларига катта эътибор берилди. Қўли гул уста хунармандларимиз ҳатто қадимдаги бўёқлар жилоси сирини ҳам аниқлаб, сифатли бўёқ яратишга эришдилар. Бугунги кунда мамлакатимиздаги барча миноралар ўтмиш авлодларимиз ақлу заковати, билимдонлигидан дарак берган ҳолда вифор билан кўкка бўй чўзиб турибди.

➔ BILASIZMI?

- Телефон ихтирочиси Грэхем Белл бирор марта ҳам онаси ва рафиқасига сим қоқмаган. Сабаби улар кар бўлишган.
- Англиялик ёзувчи аёл Виржиния Вулф деярли барча китобларини тик турган ҳолда ёзган.
- Уолт Дисней болалигида уккини ўлдириб қўйган. Шу боис у барча мультфилмларида жониворларни тирилтиришга ҳаракат қилади.
- Шекспир ва Сервантес бир кунда, яъни 1616 йил 23 апрелда дунёдан кўз юмган.

➔ XANDALAR



БЕМОРГА ЁРДАМ УЧУН

- Нима учун касалнинг олдида шифокорлар лотин тилидаги сўзларни кўп ишлатишади?
- Беморларга ёрдам учун. Шифокорлар ўз бемори ўлик тили тезроқ ўзлаштиради дейди-да!

Фройдамни таслаҳаблар

- Сўлиб қолган кўк пиёз, кашанич, укропларни сиркали сувга ботириб қўйсангиз, «тирилиб» кетади.
- Тортга чиройли суратлар солмоқчи бўлсангиз, аввал қороздан трафарет ясаб олинг. Кейин ўша трафаретни тортнинг устига қўйиб, қанд упаси ёки какао кукуни сепсангиз, чиройли суратлар ҳосил бўлади.
- Қирланган юмшоқ ўйинчоқларни ёстиқ жилдига солиб, кир ювадиган машинада ёки қўлда ювиш керак.

Табриклаймиз!

“Ўзбекистон почтаси” ОАЖ Наманган филиали жамоаси филиалнинг назорат-таҳсил гуруҳи мутахассиси Абдумалик ПУЛАТОВни 50 ёши билан чин дилдан қутлайди. Унга мустаҳкам саломатлик, узоқ умр, оилавий бахт ва меҳнат фаолиятида улкан зафарлар тилайди.

“ТШТ” филиали жамоаси 46-АТС линия муҳандиси Раован АРИПОВни 55 ёши билан қизгин муборакбод этади. Унга узоқ умр, оилавий бахт ва меҳнат фаолиятида юксак муваффақиятлар тилайди.

Xabar

МУАССИС:

ЎЗБЕКИСТОН АЛОҚА ВА АХБОРОТЛАШТИРИШ АГЕНТЛИГИ

Бош муҳаррир:
Абдусайд КЎЧИМОВ

ТАХРИР ХАЙЪАТИ:

Ҳақим МУҲИТДИНОВ (Хайбат раиси), Асаджон ХЎЖАЕВ, Миродил САНГИЛОВ, Шуҳрат СОДИҚОВ, Шуҳрат АТАМУҲАМЕДОВ, Суван НАЖБИДИНОВ, Рустам ҚОСИМОВ, Солиқжон ҚОСИМОВ, Абдуғани АБДУРАҲМОНОВ (Бош муҳаррир ўринбосари), Лутфилло ТУРСУНОВ (масъул котиб).

Тахририятга келган қўлёзма ва суратлар эгаларига қайтарилмайди. Муаллифларнинг фикрлари тахририят фикридан фарқланishi мумкин. Нашримиздан кўчириб босилганда “Xabar”дан олинганлиги кўрсатилиши шарт.

Тижорий материал — ①
Реклама матнларининг тўғрилиги тахририят жавобгар эмас. Газетани тайёрлашда интернет материалларидан ҳам фойдаланилади.

МАНЗИЛИМИЗ:

100043, Тошкент,
Бунёдкор шоҳқўчаси, 8-уй.
Тел.: 288-40-65; 288-40-66, 288-40-69.
Факс: 288-40-72. E-mail: info@xabar.uz

Обуна индекси — 228.

Газета тахририят компютер базасида терилди ва саҳифаланди.
Дизайнер: Аслиддин БЎРИЕВ.
Навбатчи: Лутфилло ТУРСУНОВ.

ISSN 2010-6424

Босишга топширилди — 20.00.
Босишга топширилиш вақти — 20.00.

Вилоят муҳбирлари:	Андижонда 226-47-80	Бухорода 223-27-85	Гулистонда 40-12-19	Жиззахда 226-06-34	Навоийда 225-91-10	Наманганда 226-61-85	Нукусда 554-35-45	Самарқандда 233-61-81	Термизда 224-06-12	Тошкентда 288-40-66	Урганчда 226-37-16	Фарғонада 226-87-71	Қаршида 314-08-99
--------------------	---------------------	--------------------	---------------------	--------------------	--------------------	----------------------	-------------------	-----------------------	--------------------	---------------------	--------------------	---------------------	-------------------